



Gianna Duschletta ho scrit sieu prüm crimi per giuvenils cun nom «Affers da famiglia».

FOTO MAYK WENDT

«Eir la minurited stu ler qualchosa a scoula»

«Affers da famiglia» ho nom il prüm crimi per giuvenils da Gianna Duschletta. Ill'intervista tradescha l'autura da S-chanf l'intent da quist cudesch, sia metoda da scriver e perche cha drouva dapü litteratura putera.

FADRINA HOFMANN/PL

Gianna Duschletta es magistra dal s-chelin ot, co-presidenta da l'Uniun dals Grischs, co-organisatura dals Dis da Litteratura, slammedra ed autura. Ella scriva «Impuls» per RTR e d'in-cuort es cumparieu sieu prüm crimi puter cul nom «Affers da famiglia».

Posta Ladina: Gianna Duschletta, «Affers da famiglia» es giusta cumparieu. Perche as scriva ün crimi per giuvenils in puter?

Gianna Duschletta: Perche ch'eau d'he stuvieu fer üna lavur da master ed alura d'he penso ch'eau pudess bain fer qualchosa ch'eau fatsch gugent e chi güda eir ad otra gliieud ed ad otras magistras chi instrueschan lectüra sül s-chelin ot.

Cu funcziuna il process da scriver ün crimi?

Eau guard e leg gugent istorgias criminelas. Eau d'he let ün cudesch chi ho do ün po cussagls e propostas per üna via. Ma eau d'he impustüt gieu sairedas da discussiun cun mia famiglia vi da maisa, inua cha vainsa elavuro il plot e discus che chi pudess capiter e che chi füss interessant. Uschè es nachida quista istorgia.

«Eau d'he penso ch'in quist ambiaint da las alps da Zuoz pudess capiter qualchosa pü speciel cu be in cumün.»

Dimena eir cò il resultat dad ün offer da famiglia. Per che vo que illa istorgia?

Üna giuvna chi vo in muntagna chatta üna buscha ed in quella buscha es aint üna fotografia. Ella vulesch chatter oura che chi'd es cun quella fotografia. Perche es sù lo ün giuven ed ün'alp chi'd es arsa? Che ho que da chefer cun ün invoul chi'd es capito illa banca da Samedan? Pass per pass scuvrescha ella cun agüd dad otras personas invoutas tuot que chi'd es capito. In fuond ho tuot da chefer ün cun l'oter.

Perche es il crimi situo in Engiadina'Ota?

Eau cugnuosch bain ils contuorns da S-chanf e Zuoz ed uschè es que capito bod automati-camaing. L'istorgia es situada in muntagna, traunter las alps da Zuoz. Eau d'he penso ch'in quist ambiaint pudess capiter qualchosa pü speciel cu be in cumün.

Cun sföglier il cudesch daun in ögl differentas fuormas da text, traunter oter mes-sagis cuorts u ün blog. D'eira Sieu intent da scriver pü dasper pussibel a la realited dals giuvenils?

Schi, quello dad üna vart. Da l'otra vart es que eir per fer ün po pü interessant pels giuvenils. Eau d'he fat l'esperienza cha giuvenils nu's rivan da motiver per ler texts pü lungs. L'atten-ziun svanescha svelt. Cun müder adüna darcho qualchosa do que müdamaint, ad es adüna darcho qualchosa nouv chi svaglia l'atten-ziun. Our da la vista da la magistra es que eir interessant da tratter differentas fuormas da scriver düraunt las lecziuns. Cu as scriva l'istorgia normela, cu ün blog, ün text in ün chat u eir artichels da giazetta? Que do sim-plamaing bger da discuter.

Es quist crimi impustüt ün cudesch per l'instrucziun da puter?

Na be, ma eir. Eau vögl simplamaing cha giuvenils puters hegian bunas lecziuns da lectüra e nu stögljan adüna ler istorgias in oters idioms. Eau am giavüsch pella magistraglia putera chi detta dapü schelta e dapü temas chi permettann discussiuns davart la litteratura putera fatta per giuvenils.

«Eau vögl simpla-maing cha giuvenils puters hegian bunas lecziuns da lectüra e nu stögljan adüna ler istorgias in oters idioms.»

Ma ad Ella esa consciaint ch'Ella ho scrit ün cudesch per üna minurited illa minurited?

Haiai, ma que nu fo inguotta (ria). Eir la minurited da la minurited stu ler qualchosa a scoula.

La vernissascha dal cudesch es steda in mardi, ils 25 november a las 19.00 i'l bistro Serlas Viva a S-chanf cun prelecziun, discurs ed accompagnamaint musical dal ghitarrist Fabio Camichel.



Il cudesch «Affers da famiglia» da Gianna Duschletta as po cumprer illas librerias u retrer tar la Chasa Editura Rumantscha.

REGION EBVM

Nouva promoziun dal lö coordinada

La Conferenza da presidents da la Regiun Engiadina Bas-sa/Val Müstair ha trattà e deliberà in sia sezzüda dals 20 november 2025 diversas fatschendas centralas. Tanter oter vain abolida la promoziun da plans da business, chi cun-tgnaivan i'l passà pitschnas contribuziuns à fonds perdu.

CDM/FMR

I'l rom da l'Agenda 2030 realiseschan ils cumüns da la Regiun Engiadina Bassa/Val Müstair (EBVM) üna promoziun dal lö coordinada. Quai in connex cul svilup regional, chi realisescha progets regionals e spordscha eir cussagliaziuns singulas per af-fars locals. Sco cha la Regiun EBVM scriva in üna comunicaziun, vegnan las sportas per promover plans da business, chi cun-tgnaivan i'l passà pitschnas contribuziuns à fonds perdu, aboli-das i'l futur pervi da lur efficacità limitada. Quai ha la Conferen-za da presidents da la Regiun EBVM decis in si'ultima sezzüda als 20 november 2025.

Impè da contribuziuns, vegnan ils mezs finanzials in avegnir investits daplü in progets regionals, intant cha las sportas etabli-das per cusgliar e per sustegner tematicamaing singuls affars ve-gnan rinforzadas inavant. Quai stuess güdar a promover il svi-lup regional in möd persistent e pussibiltar la realisaziun da pro-gets cun effet plü grond.

Strategia per la fuormaziun professiunala dal Grischun dal Süd

Ultra da quai ha la Conferenza da presidents da la Regiun EB-VM eir decis üna contribuziun maximala da 20 000 francs per üna nouva strategia pella fuormaziun professiunala dal Grischun dal Süd. Il böt da quella es da mantegner e da sviluppar inavant las scoulas professiunalas a Samedan, a Poschiavo ed a Sta. Ma-ria per pussibiltar eir i'l futur sportas da scolaziun chi's rechattan dastrusch al domicil da las personas giuvnas i'l Grischun dal Süd. Il process da strategia dess gnir realisà in stretta collavuraziun tanter las Regiuns Malögia, EBVM e Bernina e stess cumanzar la prüma mità da l'on 2026.

Üna ulteriura contribuziun da 20 000 francs ha la Regiun EB-VM decis per sustgnair l'Agrisch 2026. L'exposiziun agricula, chi'd ha lö ils 25 e 26 avrigl 2026 a Zernez, vain organisada da las societats paurilas da la regiun e fa quint cun var 12 000 visi-taduras e visitadurs.

Prossiem pass pel sviamaint Susch

Sco ultim punct in sia ultima sezzüda ha la Conferenza dals pre-sidents da la Regiun EBVM decis da deliberar concept per dis-chargeiar il trafic a Susch i'l plan directiv chantunal e regi-unal. Tal prevezza ün sviamaint al vest dal cumün per reduier il tra-fic da transit e per augmentar la sgürezza sün via. Davo ün stüdi da trafic cumplessiv e davo ün'evaluaziun da variantas sün plüs s-chalins fuorma l'opziun dal sviamaint la basa per l'integraziun i'l plan directiv chantunal e regional. La proposta vain uossa de-liberada per mans da l'exposiziun da cooperaziun.

SAN MUREZZAN



A San Murezzan es in sanda bunura collido ün manaschunz da 21 ans cun üna saiv e cun ün bös-ch. El s'ho ferieu ligermaing.

FOTO PULIZIA CHANTUNELA

Collisiun cun saiv e bös-ch

In sanda a bunura ho que do ün accidaint a San Murezzan, tal quel üna manaschunz d'ün auto es collido cun ün bös-ch. Scu cha la Pu-lizia chantunela scriva in üna comunicaziun da medias saja il ma-naschunz da 21 ans sto in viedi cun sieu auto vers las 11.30 stülla Via Grevas da San Murezzan Bagn in direcziun da Samedan.

Causa melesser da l'automobilist es il veicul collido cun üna saiv da lain, chi's rechattaiva da la vart vers il Lej da San Murez-zan ed a l'ur dal viel dal manaschunz. L'auto es sto salda pür cur ch'el es in seguit auncha collido cun ün bös-ch. Scu cha la Puli-zia cuntinuescha, saja la via steda fich bletscha causa il sel e l'au-to hegia gieu dans considerabels. Causa las duos fermas collisiuns ho il manaschunz gieu feridas ligeras. (cdm/fmr)